

663. *Warrea costaricensis* Schltr., spec. nov.

Terrestris, erecta, ultra 70 cm alta, habitu verosimiliter *W. tricoloris* Ldl.; foliis erectis, lanceolatis, acuminatis, basin versus sensim in petiolum angustatis, subplicatis, glabris, lamina c. 50 cm longa, medio fere c. 6 cm lata, petiolo canaliculato c. 20 cm longo; scapo erecto, stricto, in specimine nostro supra basin desecato certe ultra 70 cm longo, supra basin c. 1 cm diametro, tereti, glabro; racemo sublaxe 10—12 cm longo, usque ad 18 cm longo; bracteis patentibus vel patulis, oblongis, obtusiusculis, ovarium pedicellatum subaequantibus; floribus in genere magnis, speciosis, erecto-patentibus, illis *W. tricoloris* Ldl. similibus sed majoribus, glabris; sepalis oblongis, obtusiusculis, 3,2 cm longis, lateralibus obliquis, cum pede columnae mentum obtusum breve, 5 mm longum formantibus; petalis oblique oblongis, obtusis, dimidio superiore margine anteriore paululo dilatatis, 2,8 cm longis, supra medium 1,3 mm latis; labello late oblongo, supra medium vix angustato, apice rotundato-obtusissimo, retuso cum apiculo minuto obtuso interjecto, dimidio anteriore margine levissime et breviter undulato, basi rotundato, 3 cm longo, medio fere 1,5 cm lato, carina singula apicem versus elatiore apice obtuso oblique truncata e basi usque in medium decurrente, nervis pluribus (c. 15) carinato-incrassatis leviter crenulatis in dimidio anteriore ornato; columna semitereti, glabra, 2,1 cm longa, leviter curvata, pede leviter decurvo, 5 mm longo; ovario pedicellato, glabro, cylindraceo, c. 1,3 cm longo.

Costa Rica: Forêts de La Palma, 1500 m. — Brade no. 16327 in Herb. Costaric.

Als erster Vertreter der Gattung nicht nur in Costa Rica, sondern in ganz Zentralamerika ist diese Art besonders interessant. Durch die längliche Form des Labellums mit nur einer einzigen, nach vorn deutlich erhöhten Leiste und etwa 15 verdickten gekerbten Nerven davor ist die Spezies gut charakterisiert.